

Si Saturnus fuerit in opposito partis fratrum, uel in opposito domini tertiæ, uel fuerit iunctus ambobus, aut uni eorum, uel ambo, aut unus eorum fuerit in tertiâ domo, maxime si Mars illuc aspexerit, & fuerit tardi cursus, fratres nati interficiēt eum, & habebunt damna multa.

Conuenientia fratrum erga natum, scitur ex foelici aspectu Domini tertiæ ad dominum Ascendentis, aut ex aspectu domini partis fratrum ad ipsam partem.

Mercurius iunctus Marti, uel ei oppositus, facit discordiam inter fratres.

Si Dominus triplicitatis ascendens fortior est domino Triplicitatis domus tertiæ, natus erit dignior fratribus suis.

Quod est inter medium cœli & ascendens, significat fratres maiores, & quod est, inter ascendens, & angulum terræ, fratres minores.

Si Luna fuerit domina ascendens, aut pars fortunæ in tertiâ aucta lumine, fortunata, natus erit religiosus obseruator legis, lucrabitur ex rebus spiritualibus.

Dominus triplicitatis ascendens primus in duodecima uel undecima si non sit fortuna, & fuerit aliquis planeta in ijs domibus, qui sit fortuna, significat eum habere fratres uiuos. Et si fuerint mali, significat eum habuisse, sed esse mortuos.

Separatio Lunæ à Sole uel Sarurno, denotat natum non esse primogenitum patris sui. Si uero separatur à Ioue, Marte, Mercurio, uel Venere, significat eum non habere fratrem, qui sit se maior. Et si fuerit cursu uacua, significat malum esse fratrum maiorum. Et si separatur à malis, celeriter morientur priores fratres, uel eorum destructionem significat.

Si Luna separatur à planeta existente in domo uel exaltatione sua, fratres maiores bene habebunt. Si Luna applicat planetæ in domo uel exaltatione sua existenti, natus habebit dignitatem, & fratres eius qui post eum uenient.

Si fuerit in tertiâ domo Leo, & Sol combusserit dominum secundæ, significat natum causa suorum fratrum diuitias amissurum. Idem dic si dominum partis fortunæ combusserit.

Si dominus ascendens, non aspexerit dominum tertiæ, fratres qui post eum nascentur, fugient à conspectu ipsius, & erunt suis damno, & sibi.

Tertiæ dominus si supra terram infortunatur, maioribus fratribus impedimenta decernit. Si uero sub terra, his qui post eum nascentur.

Dominus tertiæ in prima, primum esse interficiendum, uel solum superstitem fore significat. Si in tertiâ sit signum commune, denotat natum alios habiturum fratres, & forte ex alia matre.

Mars in die in ascendente, uel in quarta, aut Saturnus in nocte, facit natum humanum, erga consanguineos suos.

Quando signa tertiæ & octauæ domorum fuerint unius planetæ, nati fratres ipso uiuente è uita descendunt.

Venus prima domina triplicitatis tertiæ retrograda & mali esse, significat paucitatem fratrum, & discordiam inter illos.

Dominus secundæ in secunda, si eum dominus tertiæ uiderit, natus à fratribus angustias habebit, aut propter eos.

Cancer uel Capricornus ascendens, significat fratres inimicos esse nato, uel litigaturum cum fratribus, & tamen peruenient fratres eius ad potentiam.

Aries uel Libra ascendens, denotant quòd fratres eum aduersis prosequuntur odijs, uel erunt in uili statu.

Virgo uel Pisces ascendens, significant quòd fratres nati erunt causa suarum ægritudinum, uiuetq; diutius illis.

Leo uel Aquarius ascendens denotat quòd fratres nati morientur, uel habebunt inter se mutuas similtates ac dissensiones.

N

Appli